

字典

文  
112.1

217.5  
375  
126.1



不破卷次

郎氏寄贈

孔林印  
克文庫印

列童子問序

道之在天下也。無處不到。無時不然。不爲聖人而存。不爲小人而亾。亘古今而不變。放四海而有準行乎。日用彝倫之間。而非無聲無臭之理。其自有四曰仁義禮智。故曰天下有道丘不與易也。而循其本則。凡爲人者莫不各有斯四端之心。猶其有四體也。惻隱之心。

仁之端也。羞惡之心。義之端也。恭敬之心。禮之端也。是非之心。智之端也。此人性之所以爲善而異於萬物也。苟有以充之焉。則皆可以成仁義禮智之德矣。然唯其所生而莫之有養。則小而不大。微而不著。或牿人之甚。則併其所固有者而失之矣。聖人有憂憂之立之教法。將以使人因其固有者。擴而充之。自其

所不忍。而達之於其所忍。自其所不爲而達之於其所爲。漸漸循循。遷善遠非。以得成其德也。曰。推曰。及。卽皆其事。而忠信敬恕。亦皆所以維持之也。譬諸水之至也。疏之濬之。導而不已。則溢觴之微。可以爲稽天之巨浸木之漸也。培之壅之。養而不害。則蘖栽之稊可。以成合抱之偉材。不唯道爲然。驗之人事。伎

巧藝術亦皆莫不以因其所本者而漸次積累。自粗至精。自生至熟也。故曰孝弟其爲仁之本與。又曰苟得其養。無物不長。所以孔孟之示人。千言萬語。其說雖多。而稽其要歸。莫非此事降及後世。教導之法。不復遵古義。以爲仁義禮智全真乎性。但爲氣牿物蔽而靈明不露。務欲豁其鄙。掀其暗。以復其初。如鑑

之剔垢而復瑩。如水之澄濁而還湛。於是乎仁義之德。不復待修爲。而擴充之方。遂轉爲滅欲之訓矣。然不知聖人之教。有充養之方。而無復初之說。人之所以至聖人者。豈徒復其性而止哉。故謂仁義禮智之道。基於性之善。則可矣。而謂全於性之初。則不可也。昔吾先君子。夙耽宋學。研味性理。既而直泝鄒魯。

之旨。沈潛多年。會其真詮。時有問者。常用法。

應之錄。爲童子問三卷。向者不幸。遭大故。百

事忽忽。今茲服闋。因爲校討。分章折句。登諸

梨棗。以償負薪之志。云

寔永四年丁亥夏五月壬子朔子長胤謹識



童子問卷之上

洛陽伊藤維楨著

予往年過爲諸友所推。自開門戶以待學者。從此四方之士。從遊日衆。問道不已。予雖時叩兩端以竭然學者多狃於舊聞。牽於意見。卒無以得孔孟之正宗。不高則不樂。不奇則不悅。厭常而喜新。舍遠而取遠。予深憫焉。乃綴輯鄙言。以爲答問之資。且以明鄉魯之正傳。亦不得已之志也。宋歐陽子及輔漢卿氏。

有易詩童子問予亦命之以童子問要明非  
所以告于大方也元祿六年癸酉冬十月既

望洛陽伊藤維楨原佐謹識

凡五十九章

有一童行問曰伏聞先生闡明孔孟之正指以教導學者然入門日淺賦性亦魯加之先人之言爲主而不免於孔孟之直指反驚且怪冀賜開示予應之曰孔孟之直指見於論孟一書者炳如丹青包含天下之理而無缺會萃百家之典而不遺出於此則窮徑也他歧也子欲識予之意則觀語孟二

書足矣今雖爲予傾囷倒廩以盡告之亦莫能出於二書之外者矣予能熟讀翫味有得焉則雖與予生相睽違阻地隔世猶相聚一堂終日論議心心相照若合符節自莫相違勉旃勿怠惟恐子徒以爲聖門平正親切之書而不知深意所在第一章童子曰固如尊喻若一書則予平生所熟讀於集註大全及諸家註解亦嘗探討二書固日用之要典至親切也然竊思外此別有簡徑直截自詣至道者非耶曰非也學欲其正功欲其熟不可好奇特不可求捷徑水到船浮輦謝子結遵正路而未到

者有矣未有由邪蹊而能到者也自苗而秀而實自有其時任其自悟勿自我求悟讀論孟者若初學固不能去註腳而能曉本文苟集註既通之後悉棄去註腳特就正文熟讀詳味優游佩服則其於孔孟之本旨猶大寐之頓寤自瞭然于心目之間矣今子所以不免致疑者皆爲註腳之所累耳天下之理到語孟二書而盡矣無可復加焉勿疑第二章

請益曰子識夫五穀乎論天下之至味則至五穀而可於口然嗜之不止則必害於人前輩所謂嗜異味者必有異疾是也若論語之於道乃食中之嘉穀也施之四海而有準傳之萬世而無弊所患在人之不知焉耳第三章

問吾於宋明諸儒及禪莊諸書議論高遠難遽通者固疑其爲至言妙道若論語則甚平淡殊覺無意味如何曰艱澀奇僻難遽通者反可通惟論語不可知也至言若泛然邪說易動人若泛然故不可得而知也易動人故不覺自陷于其窠臼非溫厚

和平從容正大者必不能通于論語之妙非氣質偏勝耽奇驚高者之所得知也今子欲外語孟而經詣至道此乃陷于邪僻之漸其後不復可救慎勿踏近世學者之故轍昔漢置五經博士而不知置論語博士宜矣若論語其語平淡而意味深長故雖漢人亦不知其理到道到廣大周偏高出于六經之上程子曰論語孟子旣治則六經可不治而明矣此論實古今之名言也大抵詞宜理明易知易記者必正理也詞艱理遠難知難記者必邪說也子以此求之於天下之書百不失一第四章

問從來皆以論語徒爲平易近情意味親切而未知其廣大甚深如此難知也冀申垂審喻曰論語之書聖人以大中至正之心說大中至正之道故唯大中至正之人能知之子必以難知難行高遠不可及者爲至道而不知易知易行平正親切者卻是萬世不易天下極至之理蓋難知難行高遠不可及之說乃異端邪說而易知易行平正親切者便是堯舜之道而孔子立教之本原論語之宗旨也昔在孔子旁觀古今歷遷羣聖特祖述堯舜憲章文武盡黜夫難知難行砌磚廣大不可窺測之

說而立其易知易行萬世不易之道以爲生民之極傳之門人詔之後世故論語一書實爲最上至極宇宙第一書而孔子之聖所以爲生民以來未嘗有而賢於堯舜遠者以此也而孟子之書又亞論語而發明孔子之旨者也其言曰堯舜之道孝弟而已矣又斥其難知難行高遠不可及之說以爲邪說爲暴行痛拒絕之而專唱仁義之旨蓋論語之義疏也故學者實知得斯理而後當讀論孟二書不然則雖字解句釋精若蠶絲密若牛毛實侮論孟者也豈可謂尊信之乎從前學者皆以論問

語徒爲孔門一時問答之語而不知其高出于六經之上矣道之所以不明不行于天下後世者職此之由學者不可不審諸 第五章

問論語平易而易知六經深奧而難讀今說論語之理高出六經之上不審如何曰程子不云乎論治孟既陋則六經不治而明矣蓋六經之道平正通達萬世人倫之道備矣然通論孟而後六經之學有益不然則六經徒爲虛器而不爲今日之用猶三代之彝器可寘之几上而不可施之日用也後世儒者之解易春秋其說奇古艱澀不近於人倫

日用者，蓋以此也。詩書二經亦然，獨程子易傳所以復出諸儒之上而爲二代以來好書者以其自論孟之理來也是論語所以高出於六經之上也。

第六章

問先生既以孟子爲論語之義疏然矣則學者專讀論語而至於孟子則雖不必讀無害歟曰不然註者所以求通夫經也學者不熟讀孟子必不能達於論語之義蓋論語之津筏也論語專說修仁義禮智之方而未嘗發明其義孟子時聖遠道湮大義既乖故孟子爲學者諄諄然剖別其義闡明其理

丁寧詳悉無復餘蘊故通七篇之義而後論語之理始可明矣孟子曰惻隱之心仁之端也羞惡之心義之端也恭敬之心禮之端也是非之心智之端也又曰人皆有所不忍達之於其所忍仁也人皆有所不爲達之於其所爲義也是仁義禮智四字之解也學者當據此體認熟讀而後推之於論語則其義始較然矣設欲去孟子而特據論語字面解之則不惟不得其義必至於大錯道從前註解不恆仁義禮智之義者正以此也所以孟子之書非徒有功于論語實有功于萬世學者也其得

論語並稱者良有以夫

第七章

問易知易行萬世不易之理實爲至極既得聞命矣然心中猶未能釋然願以易曉之語申垂諭旨人外無道道外無入以人行人之道何難知難行之有夫雖以人之靈然不能若羽者之翔鱗者之潛者其性異也於服堯之服行堯之行誦堯之言則無復甚難者其道同也故孟子曰夫道一而已矣若夫欲外人倫而求道者猶捕風捉影必不可得也故知道者必求之於邇其以道爲高爲遠爲不可企及者皆非道之本然自惑之所致也故孔子

曰中庸之爲德也其至矣乎民鮮久矣至矣子必思想外耳目之所見聞而更有至貴至高光明閃爍可驚可樂之理非矣天地之間唯一實理而已矣更無奇特自有生民以來有君臣有父子有夫婦有昆弟有朋友相親相愛相從相聚善者以爲善惡者以爲惡是者以爲是非者以爲非萬古之前如此萬古之後亦如此子能孝弟忠信修身勤業夙夜匪懈則自合於天道宜於人倫不至失所以爲人也詩曰永思配命自永多福或有人以至貴至高光明閃爍可驚可樂之理說與汝者若非野

狐山鬼魅汝必是邪說之魁也謹勿聽

第八章

問何謂人外無道曰人者何君臣也父子也夫婦也

昆弟也朋友也夫道者一而已在君臣謂之義父子謂之信

子謂之親夫婦謂之別昆弟謂之敘朋友謂之信

皆由人而顯無入則無以見道故曰人外無道何謂道外無入曰道者何仁也義也禮也智也人固

于其中而不得須臾離焉離焉則非人也故曰道外無入凡說天地之外古今之遠而無質于人倫無益于天下國家之治焉者皆邪說之魁也設令

宇宙之外復有宇宙苟有人生於其間必當有君

臣父子夫婦之倫而循仁義禮智之道故曰由人而顯無入則無以見道謹聽此說勿爲異說所惑焉

第九章

又問後世學問日趨高遠而與論語之旨相背馳者何故而然乎曰居高者視卑故其言不得不卑居卑者視高故其言不得不高自然之符也是故道德盛則議論卑道德衰則議論高猶權衡之量物隨其輕重互相低昂道德一分衰則議論一分高道德二分衰則議論二分高道德愈衰則議論愈高及乎議論愈高也道德蔑如矣佛老之廢人倫

宋儒之失中行是已人皆知悅議論之高而不知其實道德下衰故也孔門之學直由道德而行不爲無益之論猶白日中天不待秉燭故只言孝弟忠信足矣孔子曰主忠信曾子曰吾日三省吾身是也學者當識得此意而後讀論語後世諸儒敢爲高論至輿論語相背馳者皆道德下衰故也

第十一章

問既聞聖人之道易知易行何人之能之者鮮耶豈亦有所甚難者與曰有依乎中庸爲難中庸本非難事依乎中庸之難亦在乎立誠之難也古之人

豈亦得人人皆善事事皆中邪但民朴俗淳誠實敦龐無邪回之行無名利之求故所行自莫非中庸也故曰中庸之爲德也至矣乎民鮮久矣至後世則風氣日漓人心不古愚者固不足論其少有智者必以利名爲先厭常而好新捨道而求遠是中庸之所以難也故曰天下國家可均也爵祿可辭也白刃可蹈也中庸不可能也是論語之極致也

第十一章

童子曰獲蒙教誨始識論語一書實爲宇宙第一書至幸至惠然孟子道性善而論語偏以學問爲主

於性善之說則未嘗有所發明。豈非一大欠事耶。日從前諸儒多於此欠據，不容於不辨。夫性道，教三者實學問之綱領。凡聖人千言萬語雖不堪其多，然莫不總括於此。請極言之。論語專言教，而道在其中矣。孟子專言道，而教在其中矣。其所謂性善云者，本爲自暴自棄者發之，亦教也。論語專以教爲主，故性之美惡在所不論。故曰性相近也。習相遠也。又曰有教無類。論自堯舜至于途人，其間相去奚啻千萬？然論其性，則亦不甚相遠。但其所以相懸絕如此者，皆由習而然。苟學以明之，養

以充之，則皆可以寢惡而爲善。故性之善惡，置而不論。此論語之所以專言教而不道性也。孟子雖道性善，不徒論其理，必曰擴充。必曰存養。所謂擴充存養云者，卽非教而何？此孟子之所以雖道性善，而實莫非教也。吾故曰論孟二書猶一幅布，有表裏而無精粗也。

問性道教之分，其詳可得而聞乎？曰：道至矣大矣！固不待論。然不能使人爲聖爲賢。所謂非道弘人是也。其所以使人爲聖爲賢，開來學而致太平者，皆教之功也。所謂人能弘道，是也。故道爲上，教次之。

然而使人之性，頑然無智如雞犬，然則雖有百聖賢，不能使其教而之善。惟其善，故其曉道，受教不啻若地。卷之三道之敏，樹故性亦不可不貴。此性道教之別也。漢宋儒先多於此顛倒錯說甚害於道。于其審諸卷之三第十三章

問中庸以性道教爲序，今以道爲上，教次之，而以性爲盡道受教之地。其措詞次第若有不同者，何哉？日本與中庸之理無異，但註家錯說耳。中庸言聖人之道本循人性之自然而不相離，非若諸子百家之自私用智而遠入倫日用以爲道也。故曰率

性之謂道。又曰可離非道也。天性者，天之賦予於我而人所固有。若不論循性與否，則無以見道之邪正。故中庸先舉性而爲言耳。非以性爲貴於道也。道者何在？父子謂之親，君臣謂之義，夫婦謂之別，昆弟謂之序，朋友謂之信。天下古今之所同然也。諸子百家各以其道爲道而不論循性與否，所以爲異端也。苟循人之性而不可得而離，則爲道否，則非道。故聖人之道，非離性而獨立，亦非謂自性出也。晦菴謂人物各循其性之自然，則日用之間，莫不各有當行之路。是倒說也。蓋性者以有

於己而言，道者以達於天下而言，易曰立人之道，  
曰仁與義是也。故有入則有性，無入則無性。道者  
不待有入與無入，本來自有之物，滿于天地，徹于  
人倫，無時不然，無處不在。豈容謂待人物各循其  
性之自然，而後有之耶？若晦菴所說，則是性本而  
道末，性先而道後，豈非倒說乎？

第十四章

問：論語專言教，而道在其中，既獲聞命矣。孟子專言  
道，而教在其中，不審如何？曰：道者何？仁義是也。孟  
子之書以仁義爲其首腦，七篇之中無一字不自此  
此二字細繹出來者。其倡性善之說者，亦非徒發

明其理，欲使人知其性之善，而擴充之也。故曰：盡  
其心者，知其性也。又曰：苟不充之，不足以事父母。  
又曰：苟得其養，無物不長；苟失其養，無物不消。此  
皆言性之善，不可待焉，而擴充之功，不可懈也。故  
曰：孟子專言道，而教在其中。矣。人雖號稱好學，然  
其持志力學，勇往直前，不自暴自棄者，千百之一  
二焉耳。故性善之說，雖明仁義爲己之固有，而其  
實爲自暴自棄者，發之也。

第十五章

問：然則教貴於性歟？曰：奚其然？雖有善教，然而使人  
之性不善者，大馬之與我不同類，則與道扞格，不

或

相入惟其善故見善則悅見不善則嫉見君子則  
問貴之見小人則賤之雖盜賊之至不仁亦莫不然  
是教之所以由而入也雖蠻貊無教之邦叔季絕  
學之世人不皆化爲鬼爲魑者性之善故也性之  
善豈可不貴耶 第十六章

問然則性貴於教歟曰不然人皆有性性皆善然學  
以充之則爲君子矣不能充之則衆人而已耳性  
之不可恃也如此故云苟不充之不足以事父母  
孔子亦曰性相近也習相遠也蓋君子小人之分  
不由性而由教故夫子不責性而專責習其意可

見矣又曰人能弘道非道弘人亦此意也吾夫子  
以生民以來未嘗有之至聖究觀古今洞視天人  
創爲生民建大教法曰學而已矣故曰學而時習  
之不亦說乎又曰吾嘗終日不食終夜不寢以思  
無益不如學也蓋言天下之至益莫如學問而夫  
懸空臆想者實無所獲勉旃 第十七章

問性與教果無優劣耶曰性善而無爲教有爲而難  
入能受難入之教者性之善也充性之善者教之  
功也兩者猶車之有兩輪相須而不可相無然性  
本相近而教之功爲大矣南山之竹不株自植性

之善也括而羽之鏃而礪之則其入之淺者教之功也若不羽不鏃則一片竹條耳何所成用其百發百中善射集於高墉之上者皆羽而鏃之之功也此論語之所以專以教爲主而孟子發擴充之說也

第十八章

問於性道教之分既得聞其詳矣願詳見論教之條目曰予以四教文行忠信此孔門學問之定法而初學入道之規矩萬世學者不得違焉文者詩書六藝是已行者孝悌禮讓是已盡已之謂忠與人有實之謂信學文則其智不偏力行則其學不虛矣

忠則道足以行信則德足以立不學文則其智必偏佛老之學是也不力行則其學自虛俗儒之學是也不忠信則人道不立市井之小人是也此四者雖有次序而非有階級蓋學者終身之業也苟以此爲法則安宅可居大路可由而爲學之道備矣

第十九章

問先生曰不學文則其智必偏然佛氏說不立文字近世王氏之學亦以讀書講義理爲非彼皆非耶日規矩方圓之至也至當道之極也雖能知天下之所難知能行天下之所難行然纔失至當則全

體皆非妙智易得卓行易爲唯得至當爲難其悟彌高其偏彌甚故君子讀書窮理多薦前言往行而止也苟從事於學問則高者俯卑者企軒者低輜者鼎皆得其平而後止豈驚空虛任意好而恣其獨智者所能及哉故孔子曰好仁不好學其蔽也愚好知不好學其蔽也蕩好信不好學其蔽也也賊好直不好學其蔽也絞好勇不好學其蔽也亂好剛不好學其蔽也狂夫仁之德大矣智之道幾矣然不學以照之則猶有其蔽故天下莫大於

學問之功亦莫貴於學問之道也

第二十章

童子曰甚哉學問之大乎願聞其詳詳曰宋明儒先皆以盡性爲極則而不知學問之功益大矣殊不知已之性有限而天下之道無窮以有限之性而欲盡無窮之道則非學問之功不可得也此孔門所以專貴教也中庸曰唯天下至誠爲能盡其性能盡其性則能盡人之性能盡人之性則能盡物之性能盡物之性則可以贊天地之化育可以贊天地之化育則可以與天地參矣所謂能盡其性者就吾性之分內而言至於其盡人物之性而贊天

地之化育則雖亦盡我性之推。豈徒盡我性而已哉。夫人之與我異體殊氣其疾痛瘡痍皆不相關況人之與物異類殊形何相干涉謂財成輔相天地之道使萬物各遂其性則可矣謂之盡我性而可乎哉然則唯盡我性而非由學問之功不可得也明矣譬諸以薪炊飯一杷薪可以炊一升米而不能以炊一斗米十把薪可以炊一斗米而不能以炊一石米至於一石米則非用一車薪則不得以炊一石米至於一石米則非用一車薪則不得得炊也一杷薪能炊一升米十把薪能炊一斗米一車薪能炊一石米盡其性分者也一杷薪不能

炊一斗米十把薪不能炊一石米以非性分之所及也苟向風吹火添薪助之則一片火寸可以燃官一點野火可以燎原其勢燁燁烈烈遷延回轉不可撲滅是豈一把薪之力乎哉人若立志不同力學不倦則可以爲聖可以爲賢而可以盡人物之性而贊天地之化育教之可貴也如此孟子所謂擴充者卽謂此也故曰原泉混混不舍晝夜盈科而進放于四海凡天下之水東注則入于東海西注則入于西海今其自放于四海者何哉又言其擴充之積流行無窮也又論浩然之氣日以直

養而無害則塞于天地之間。五氣亦有限之物。其日塞于天地之間者亦謂其養成之極無處而不剗。皆擴充之謂也。舊解以爲滿本然之量非也。以一升之水入一升之器以一斗之水入一斗之器謂之滿。本然之量。孟子所謂擴充云者謂推廣充大之勢不可遏止。非滿本然之量之謂也。舊解徒以理斷之而不知孟子之本旨故也。第二十一章

問學問果在性之內。在性之外。自內外一致。內以資外。外以養內。不可相無。譬猶人之一體。心思知慮。內也。視聽動俗外也。專貴心思知慮。而盡廢視聽。

動俗可乎。且若生養之具。自飲食藥餌以至於官室衣服。平生公用。凡百器具。皆靡不資之於外。豈獨至學問而疑之乎。樹非土則不生。魚非水則不活。然由樹與魚而見之。則土與水皆外也。然不得須臾離也。人之學問生養之具。何物不資之於外。設若以其外而棄之。猶樹之離土。魚之去水。不得已。生焉其不可也。必矣。人之於五倫。雖父子之親。兄弟之睦。既異其體。況君臣夫婦朋友皆以義合。豈謂之外而可乎哉。凡内外二字。古人之所稱。與後世之所謂其義迥別。所謂內者。親之之辭外。

者疎<sup>キリ</sup>之<sup>シテ</sup>辭若大學曰外本內末莊周曰內聖外王是也非以性爲內而以非性者爲外而棄之也告子之外義亦謂以義爲外而行之非棄而不用之謂聖賢初無内外之辨其立内外之分後儒之陋說也

第二十二章

問吾聞富貴爵祿皆外物也爲其所誘而可乎曰富貴爵祿皆人事之所不可無者只當辨禮義豈可徒以爲外物而厭之也哉子猶泥于舊見不嚴洗滌此意後來必至於厭人事樂枯寂遠日用而廢人倫甚不可也今夫飲食衣服非外物乎然不服

飲食不御衣服枵腹裸體而居不五日十日而必嗁軀命且藥物如人參黃芪之類多產于外國若以其外物而不用之死亾<sup>トヨ</sup>至外物之不可惡也如此儒者或以鎗銖軒冕塵芥富貴爲高世間亦以超然遐舉蔑視人事爲至皆不知道之甚也若夫不辨禮義而徒有惡外物之心必爲異端外物二字本出莊子非儒者之所公用也

第二十三章

問先生之談道固善矣然得非其過卑乎曰卑則自實高則必虛故學問無厭卑近忽卑近者非識道者也道其如天地乎天下莫尊於地然人之所蹈

莫非地無離地而能立況載華嶽而不重振河海而不洩萬物載焉則豈容以其居卑而賤之乎惟問天亦然人惟知蒼蒼之天而不知目前皆是天天包地外地在天內地以上皆天也左右前後亦皆天也人固於兩間而居豈可謂遠乎故知凡事皆當求諸邇而不可求于遠求于遠則不中矣學者必自恥其道之卑近敢爲高論可行以高世或至窮異以爲神援天以爲高諸子百家異端之徒特甚皆不知實德故也苟不羞道卑近二字則道可進學可明而不至於違道之遠也

第二十四章

問承忽卑近者非識道者意思如何曰孟子曰道在邇而求諸遠事在易而求諸難人人親其親長其長而天下平又曰君子之言也不下帶而道存君子之守修其身而天下平中庸曰君子之道辟如行遠必自邇辟如登高必自卑言卑近之中自有高遠之理也而所謂高遠者非世之所謂高遠也事之卑近不過親其親長其長妻子好合兄弟既翕之間而莫高遠於天下平矣故愈卑近則愈光明猶泰山之高遠見千里之外本起於一撮土之積也故曰博厚則高明顏子得一善則拳拳服膺

而弗失之，蓋一善甚微矣。然積而又積，積累不止，則足以成大德。每忽焉而不務，惟顏子至聰明，故參奉於此而不失。此顏子所以能至於亞聖之地也。猶世之起家累巨萬者，其初爭錐刀之利，直以一錢，當性命。至於其所息之多，則雖以天下之巧，莫能布算。卑近之不可忽。如此知者鮮矣。哉。第二十五

問顏子喟然歎曰：仰之彌高，鑽之彌堅。瞻之在前，忽焉在後。以此觀之，則夫子之道亦甚高妙，不可謂卑近。曰：此說者之繆見非。魯論之本旨，顏子之歎。

非歎其高堅前後也。及受夫子之鑑鍊，悟前日之非喜，而歎之也。蓋顏子至聰明，其始見道甚高，徒見其恍惚變幻，不可爲象，而未見其實處，故曰彌高彌堅。在前，在後，是可觀其無所模擬而櫛柄未入手。暨聞博文約禮之教，而始知夫子之善誘人。學初就平，實得至欲罷不能之地，故喜而歎之。故首發高堅前後之言，而次言夫子循循然善誘人，終言欲從之末由也已。其次第自可見矣。蓋博文約禮，卽下學之事，亦非卑近而何？故知實德而後能知卑近之可尚，知卑近之可尚，而後自識論語。

之妙難矣哉難矣哉 第二十六章

問禪莊宋儒之談道以遠者大者爲極今說道在於近而不遠願明其是非之所以然曰語入而難知者非善教導入而難從者非善道聖人之道在於君臣父子夫婦昆弟朋友之間而德不出於仁義忠信之外通于古今而無所變準乎四海而無所違根於人心徹于風俗天子不能廢焉聖人不能改焉夫婦之愚不肖皆可能知皆可能行故謂之天下之達道德若禪莊之理宋儒理性之學其理隱微而難知其道高妙而難行遠於人事戾於

風俗推之於人倫日用皆無所用豈得謂之天下之達道德乎大抵聰于高遠而無益于人倫無資于日用無補于天下國家之治者便孟子所謂邪說暴行是已其是非從而可知矣 第二十七章

問先生說易知易行者是而難知難行者非安知難知難行者之真是而易知易行者之非是乞申論究曰中庸曰道也者不可須臾離也可離非道也道之真是真非實判於此不可須臾離者堯舜孔子之道是已若佛老之道有之而無益于天下無之而無損于天下皆可得而離焉豈足謂之道邪

老莊之說盛于戰國秦漢之際浮屠之法後漢承平八年始來于漢土唐虞三代之時皆無之然天下泰平黎民壽考治皆及數百年時不以無一氏而害其治也秦皇漢武唐玄宗宋徽宗最信道教然政治日壞國俗日墮佛法盛于晉宋齊梁陳隋延及唐宋六朝之間亂亾相尋時不以有一氏而救其亂也唐宋雖頗小康本非關佛法亦不足爲太平則豈非有之而無益于天下無之而無損于天下乎若堯舜孔子之道一日離之則天下君臣父子夫婦兄弟朋友皆失其所豈非不可須臾離

之道乎其真非真非亦判然矣中庸曰君子之道本諸身徵諸庶民考諸三王而不謬建諸天地而不悖質諸鬼神而無疑百世以俟聖人而不惑言聖人之道求之於己察之於人考之於往古推之於來世徵之於天地鬼神皆無所不合至於山川艸木禽獸蟲魚蚊行喙息之微無徵而不合無推理視之而不通天下之達道故也若夫隱微之說高妙之俗皆悖焉可見天地間本來無此理其實是實非斷而可知也

問先生屢屢明道之易知易行。然今業儒者皆苦其難入者何哉。曰人之於學問視之以爲一種至貴至高出於流俗遠於人情甚高難行之事此其所以苦難入也。夫聖人之設教也因人以立教而不立教以驅人無所造作無所添飾出於人心之所同。然而非有所强也。若夫孝弟忠信之人天下皆以爲善皆以爲美而無敢譏者。此卽是學外此更無所謂學問者也。村畊野夫商販奴隸之賤或有孝友廉直出於天性士人之所不及者或不由學問而信義遜讓澹泊自治慷慨赴義者亦往往有。

之此反是學問之基本所謂學問者充此而已矣。但其生質之美雖曰可觀然微而未著小而未充故聖人立教設學以教人讀書學文以著其微者充其小者爾然出於天下之所同然而一毫無所增加于其間故中庸曰修道之謂教蓋生質之美雖善然非擴而充之則不足以成德故曰十五室之邑必有忠信如丘者焉不如丘之好學也道雖聖人固有所不知不能然其本則夫婦之愚不肖所理而後可以爲學也可知向所謂至貴至高出於

流俗遠於人情甚高難行者之非道也

第二十九章

問子夏曰雖曰未學吾必謂之學矣吳氏曰詞氣之間抑揚太過其流之弊將或至於廢學先生所說亦與子夏同其弊豈非矯枉過直者耶曰子何輕子夏之甚耶夫子夏孔門之高第親炙聖人久矣固當深得夫子之意而編論語者亦非真知孔門之學脈者則不能今其載之於首篇第七章則豈徒然乎哉蓋有深意在且以諸弟子之語與夫子之言同載則其尊之蓋亦亞夫子矣今輕議之則與侮聖人之言同罪可不懼乎自宋人理性之學與

起諸儒自居太高雖孔門弟子子夏子張有若樊遲之徒皆有蔑視之意從晦翁取吳說入之集註其論愈堅其說愈定卒爲後來學者之深害矧文學易過而德行難及古今學者之通病今又不勸勉難及之德行而反欲增益易過之文學詎與乎以火添火以泥和泥詩曰勿教猱升木如塗塗附

第三十章

問伊川先生云聖人未嘗言易以驕人亦未嘗言難以阻人之進此語如何曰聖人之言語皆循其自然而未嘗糜點亦未嘗作弄若曰未嘗言易亦未

嘗言難則是聖人以言語簸弄道也語曰誰能出  
不由戶何莫由斯道也又曰仁遠乎哉我欲仁斯  
仁至矣又曰未之思也夫何遠之有孟子曰道在  
問而求諸遠事在易而求諸難皆言其近而易也  
學者苦其難入者皆由不知道之實處也第一章問先生說論語之道理於道不遠人之旨委曲詳悉  
無復餘蘊此外亦有何所說曰子觀夫醫人之療  
病乎前醫誤治變爲壞證者必先用平劑而後審  
其病因而施藥今予之所以告子者皆拯壞證之  
權劑而非治病之的方直考諸古人之正方可也

第三十二章

童子曰敢問古人之正方曰吾向云子欲知予之意  
讀論孟二書足矣非徒治病之的方保養調理之  
術亦悉備矣今非止知得者少記取者亦鮮矣予  
苟熟讀誦味當忻然有會于心則猶無物之地忽  
然有物昨日所既讀今日又如始讀言言新矣句  
句新矣與初所見者其意味深深會然自別勉哉

第三十三章

問平生雖熟讀論孟然未得其要領願詳見教曰可  
矣聖門學問第一字是仁義以爲配禮以爲輔忠

信以爲之地，仁之與義也。猶陰之與陽也。故曰：「義以爲配，言相離不得也。」禮者，防閑之所在，故曰：「禮以爲輔，言非禮則無以存。」也盡已之謂忠，以實之謂信，乃學問之基本。故曰：「忠信以爲之地，猶造屋之有基址也。」是其總要也。皆所以成夫仁之德也。第三十四章

問先生既以仁爲聖門第一字，而又以忠信爲行仁之地，何哉？曰：「有子曰：孝弟也。」者其爲仁之本與。孔子曰：「主忠信。」夫孝弟者，順德忠信者，實心人若不忠信，則名雖爲孝，實非孝；名雖爲忠，實非忠。雖禮亦宜乎。第三十五章

儀三百威儀三千節文度數粲然可觀，皆虛文末節，要不足觀焉。如觀前勝華樹，雖足悅目，本非貞奚足以爲貴？故曰：「不誠無物。」忠信爲行仁之地，不亦宜乎？第三十六章

問宋儒以敬爲主，今以忠信爲主，何哉？曰：「學問全在誠實。」故曰：「主忠信。」主字與實字對，言學者不可不專以忠信爲主也。苟主忠信，則其言動制行，雖平淡無味，然內實有可取焉。專持敬者，特事矜持，外面齊整，故見之則儼然。儒者矣，然察於其內，則誠意或不給，守已甚堅，責人甚深，種種病痛，故在其

弊有不可勝言者焉故不如主忠信之功夫爲切

實也

第三十六章

問主忠信則不要用敬乎曰否夫子曰言忠信行篤敬又曰居處恭執事敬與人忠敬者亦聖學用功之一事具有成訓那可廢乎蓋聖人之教人其工夫條目固非一端衆功兼舉而後得能成其德猶醫之療疾藥有君臣佐使方有七方十劑衆藥兼該而後可以瘳病也故或曰知仁勇或曰忠信篤敬或曰恭寬信敏惠或曰主忠信從義因事設教對人示方豈可徒守一事而得成德乎哉然其於

忠信猶藥中之有甘艸不可得而闕焉雖有許多功夫然不可不以此爲之主焉耳宋儒所謂持敬云者與古人就事致敬者其意既異而亦不要以忠信爲主而卻徒欲以一敬字該學問之始終猶欲以單方治百病其不誤人者未之有也

第三十

問忠信固爲美德然好信不好學其蔽也賊則又未必無蔽曰然語曰信近於義言可復也孟子曰大人者言不必信行不必果唯義所在蓋徒好信而不合於義必害于道然十分通徹必忠必信而後

可以爲此言。若內不盡忠信，有少疎漏，則先併義而失之。何學問之有益，接物之間不欺，不詐。十分真實堅執，不回忠信之謂也。千變萬化，臨機制宜，取捨不失義之功也。忠信者，萬事之根本。義者，學問之大用。故學者當以忠信爲基，而義以制之也。故曰：主忠信，徙義崇德也。夫子亦嘗曰：十室之邑必有忠信如丘者焉，不如丘之好學也。言忠信固爲美德，然不學以成之，則不足爲善。此亦學者之所當殫慮也。第三十八章

問仁爲聖門第一字者，其旨如何？曰：仁之爲德大矣。

然一言以蔽之，曰愛而已矣。在君臣謂之義，父子謂之親，夫婦謂之別，兄弟謂之敘，朋友謂之信。皆自愛而出。蓋愛出於實心，故此五者自愛而出，則爲實不自愛而出，則僞而已。故君子莫大於慈愛之德，莫戚於殘忍刻薄之心。孔門以仁爲德之長，蓋爲此也。此仁之所以爲聖門第一字也。苟非知德者，不能識之，亦不能信之。必視以爲泛然無繫，要而不知，珍重信受，每從別路去，或高談性命，或耽樂虛靜，或以仁爲理，爲性，爲知覺，而不知施之於用。用故夫子罕言仁者，蓋以驟告不知德者，則

不惟不知其理必有弊也不可不慮焉子惟務忠信熟讀論孟以求實德爲心久之自當理會謹

勿蹈故轍 第三十九章

問仁之所以難識者何也曰得仁固難於知仁之理則何難之有但以學者失其方自難識焉耳蓋古入之學專以德行爲本後人之學先以窮理爲主是仁之所以難識也夫仁主愛而德莫大於愛人若先以窮理爲主則唯理是求翫心高遠禪力精微遂以愛爲仁之用爲柔弱爲淺近爲日用之常行而有輕賤之意以爲向上一路不在於此特

論太高求道甚遠且見夫子雖高第弟子仲由冉有公西華及當時賢士大夫令尹子文陳文子之流皆不許以仁而求之不得別生意見以仁爲天理之公爲當理而無私心之類議論紛紛不堪其多而去仁彌遠矣吾故曰佛老之所以與吾儒異者多在於義而後儒之所以與聖人殊者專在於仁此仁之所以難識也 第四十章

問竊聞學問以知爲先而今謂窮理之說於求仁頗有妨豈無悖於理乎曰讀書窮理自是孔門之常法不可謂不是但最初入門之初先欲讀盡天下

之書窮盡天下之理，非聖人之學也。何者？苟以窮理爲先，則雖不以德行爲後，然德行自不得不在後也。是所以於學問有害也。宋儒之說曰：「天下無性外之物。」又曰：「性卽理也。」然不能以一理斷天下之事，蓋物有好惡，事有緩急，紛紛藉藉，出入隱顯，不可盡以理決之。故曰：「君子於其所不知，蓋闕如也。」苟以德行爲本，則智至道明，而事之是非得失，了了分明，不待思索，自能中其肯綮。若不如此，而欲專以理斷之，則其說愈長而去實愈遠矣。若程朱論天道，專以理斷之，可謂殺卻天道也。其於仁

亦然。故其理甚微，而去仁愈遠。曰：「觀雞雛，此可觀仁？」又曰：「切脈最可體仁。」或曰：「將聖賢言仁處類聚，觀之是也。」夫仁者實德也，非可以理得之。孔子曰：「仁者愛人。」孟子曰：「人皆有所不忍。」達之於其所忍，仁也。孔孟之說，豈不甚近且易知乎？苟以理求仁，愈遠而愈難知也。

問：「孔孟所謂仁者，其旨果如何？」曰：「仁者，人道之大本，衆善之總。要人道之有仁，義猶天道之有陰陽也。故曰：「仁，人之安宅也；義，人之正路也。」兩者不相離，而以仁爲要。故孔門諸子以仁爲家常茶飯，而無

敢疑其義者故論語一書皆言修仁之方而無言仁之義者諸子之所問夫子之所答皆是也若欲明其義者當自孟子入孟子曰惻隱之心仁之端也人之有是四端也猶其有四體也知皆擴而充之矣若火之始然泉之始達苟能充之足以保四海又曰人皆有所不忍達之於其所忍仁也子能熟讀此一章當自理會其理於孔孟所謂仁者明白分曉無復可疑吾故曰孟子之書論語之義疏也按古注疏曰端本也始也四端之心生來具足猶其有四體擴充云者卽達之謂也便擴充惻

隱之心而無所不至正是仁所謂足保四海者卽言擴充四端之心以成仁義禮智之德蓋以非仁義禮智之德則不足以保四海也第四十二章

問仁之成德亦可得而聞之乎曰可矣慈愛之心渾淪通徹從內及外無所不至無所不達而無一毫殘忍刻薄之心正謂之仁存於此而不行於彼非仁也施於一人而不及於十人非仁也存乎瞬息通乎夢寐心不離愛愛全於心打成一片正是仁故德莫大於愛人莫不善於忮物孔門以仁爲學問宗旨蓋爲此也第四十三章

問德莫大於愛人故孔門以仁爲學問之宗旨顧終其說曰仁之爲德豈可以言盡口悉乎王天下則及于天下君一國則及于一國主一家則及于一家爲父則及于其子爲夫則及于其妻爲兄則及于其弟爲弟則及于其兄以此治身則身修矣以此處事則事成矣我能愛人亦愛我相親相愛如父母之親如兄弟之睦無行而不得無事而不戒如舜之一年成聚一年成邑三年成都成湯東面而征西夷怨南面而征北狄怨是仁之効也不仁者反之殘忍忮害衆叛親離不至死亾則不止

故仁者道德之大本學問之極致天下之善莫過於此童子曰諾第四十四章

問仁畢竟止於愛歟曰畢竟止於愛愛實德也非愛則無以見其德也苟有一毫殘忍刻薄忮害之心則不得爲仁故學至於仁便爲實德種種善行皆其雅也仁之德其餘波溥哉第四十五章

問孔孟論仁似有不與愛字相干涉者如何曰一愛之所到衆善自生故曰惻隱之心仁之端也猶原泉之混混雖爲泗爲沂爲淵爲湍奇態萬千不可名狀皆一水之流派也蓋仁者以愛爲心故其心

自平其心，自平故寬裕。容物，寬裕容物，故從容不迫。從容不迫，故樂而不憂。樂而不憂，故泰然自安。泰然自安，則無施不可，無行不得。此仁道脈絡相因，之序不可以一德名之。不仁者，反之觀夫子答諸弟子問孝，便以孝之道答之。智便以智之方，答之。至於論仁及答問仁，特舉仁者模樣而告之。所謂仁者，已欲立而立人，及仁者先難而後獲。是已蓋以仁之成德不可以一德盡之也。孟子以惻隱之心爲仁之端，而又曰人皆有所不忍達之於其所忍。仁也。又曰充無欲害人之心，而仁不可勝。

用也。此孟子論仁之本旨也。而仁者如射等語雖如不與愛字干涉者，然推究立言之本旨，則皆莫不以愛爲本焉。苟以孔孟之語參考併照，則可知矣。向謂不可以論語字面解之者，正爲此也。第十四章

問管仲霸者之臣也。故孟子譏其不知王道，而夫子許其仁者何也？曰：仁之成德，其利澤恩惠足遠被于天下，後世而極矣。堯典曰：光被四表，格于上下。堯之仁也。詩曰：於戲前王不忘。文武之仁也。若管仲之志之才，甚大矣。其志不在區區修政事，善

齊國之間將以振頑綱拯生民而歸利澤於後世  
其才亦稱之故夫子曰管仲相桓公霸諸侯一匡  
天下民到于今受其賜微管仲吾其被髮左衽矣  
又曰桓公九合諸侯不以兵車管仲之力也如其  
仁如其仁集註謂未爲仁人而有仁之功其意蓋  
不以此爲仁而徒爲有仁之功然子路曰未仁乎  
子貢曰管仲非仁者與夫子一答以如其仁如其  
仁一答以民到于今受其賜是直以仁許之也子  
當以意理會第四十七章

問夫子何不以仁許子路冉有公西華曰慈愛惻怛

之心頃刻不離無毫殘忍刻薄之心正是仁三  
子雖高第弟子然難保其始終不變此夫子所以  
不許仁也 第四十八章

問管仲何以不得爲王佐之才曰有志有才有學而  
後可以行王道無其志則不能以天下爲已任無  
其才則不能斡旋大事無其學則雖有其志有其  
才然在區區功利之間而不能濟大道此管仲之  
所以止爲管仲也若使管仲知湯武之道便是伊  
呂之儔予嘗序魯齋先生心法曰有實學而後有  
實德有實德則實材隨焉是也管仲雖有材而不

足爲實材者爲其無學也 第四十九章

問令尹子文陳文子何以不許仁曰二子若有管仲之志與才亦當稱其仁子文不爲身謀告人以忠文子能潔其身而去皆足可觀焉然無利澤及物之功此其所以止於忠與清也 第五十章

問朱子以謂子文文子之不得爲仁是不能當理而無私心如何曰不然藉令二子行事當理而無私心亦只是忠與清耳若管仲雖未見其事全當理而心果無私然夫子稱其仁者蓋以民受其賜也以當理而無私心解仁是所謂不得其說從而爲

之辭者而去仁之義益遠矣若如其說則不唯不得爲仁而亦且不得爲忠清矣 第五十一章

問聖人之仁與管仲之仁是同是不同曰同堯舜之仁猶大海之水汪洋洋不可涯涘也管仲之仁猶數尺井泉雖不足觀然遇旱歲則亦可以資灌溉之利雖有大小之差豈謂之非水而可乎至於子文文子則猶瓶罍之水雖極力負擔不過數斗之多其用有限不足謂之水也 第五十二章

問孔子之仁曰夫子稱管仲之仁曰民到于今受其賜微管仲吾其被髮左衽矣若夫子之仁實與天

地準度越管仲奚跡億萬由夫子到于今殆二千有餘歲四海九州人皆善善而惡惡君臣父子夫婦兄弟朋友之交各得敘其倫而不爲左衽之俗者悉夫子之賜也人皆在於夫子之教之中而不知夫子之教之大猶人囿于天地之內而不知天地之爲大也微夫子藉令人不皆化爲鬼爲蜮而三綱淪九法斁天下不得其爲天下於戲大矣哉宋人見於古刹梁上畫天不生孔子萬古如長夜十大字終爲千古之名言宜矣

第五十三章

問有雖不至成仁之德亦可謂之仁者乎曰雖一事

之微其發出於實心而利澤及于人則亦可謂之仁也非徒可謂之仁之功而已

第五十四章

問韓子原道曰博愛之謂仁宋儒深非之如何曰宋儒以仁爲性愛爲情故譏韓子謂知情而不知性夫博愛之未足爲仁者正在於生熟大小之間而非性情之別若充之而至於熟且大焉則亦仁焉而已韓子徒知愛物之爲仁而不知聖學之全體萬善之總括皆在於仁然勝於宋儒以仁爲性之徒爲虛器而不能施之於行事遠矣

第五十五章

問以仁爲性徒爲虛器其意如何曰仁者天下之美

問德豈可以性情分之哉若以宋儒之說論之則性爲未發情爲已發性猶水之在地中情猶發源之泉疏導澄治之功渾可施之於流出之後而於其在地中之時則無可奈之何以仁義禮智爲性則猶水之在地中不可施疏導澄治之功也故後世學問不復要存養仁義而別立一般宗旨曰無欲主靜曰明鏡止水專欲除其蔽仁義之物以復其初然則仁義之德徒爲虛器而不如直曰滅欲之爲愈也孟子曰仁人心也義人路也舍其路而弗由放其心而不知求學問之道無他求其放心而

已矣集註曰能永放心則不違於仁而義自在其中矣其意以爲仁之在心猶月之映水波定則光明波搖則影亂如此則其功夫專在收斂此心而居仁由義之功廢矣猶月之隱見繫衆而不繫宵也孟子所謂放心者則不然蓋言放失仁義之良心而非言此心之昏昧放逸者也孟子又曰充無欲害人之心而仁不可勝用也充無穿窬之心而義不可勝用也與宋儒知專收斂此心而不以居仁由義爲先務實天淵矣若專以收斂此心爲務焉則清明寂靜雖或可觀然愛根斲喪適足以帶

仁義之良心是豈孔孟之心乎哉故以仁爲性則

論孟二書總說仁之用而一無及體者與退之之

知情而不知性之病奚以異弗思甚也

第五十  
六章

問南軒張子類聚論語中言仁諸章爲一編名曰洙

泗言仁錄當亦一言仁二十篇從頭至尾無

一言之非仁南軒唯知言仁處之爲仁而不知不

言仁處亦總是仁大傳固言仁者見之謂之仁智

者見之謂之智百姓日用而不知故君子之道鮮

矣然仁者德之良學至於仁則衆德合湊故子夏

曰博學而篤志切問而近思仁在其中矣夫博學

篤志切問近思皆學問之事子夏何以言仁在其  
中也蓋仁者聖門學問之宗旨而外仁無所謂學  
問者也諸老先生皆依理解之去仁之義益遠矣

第五十七章

問孟子曰強恕而行求仁莫近焉何謂曰所謂求云  
者求其所無之謂不可仁至字着仁不可勉而爲  
恕可強而能之仁者非有德者不能恕者力行者  
能之爲其所強而能之恕則自得不可勉而爲之  
仁爲一件之恕則得一件之仁爲一件之恕則得  
二件之仁顧在其所勉強如何耳故曰求仁莫近

焉仁，自是仁恕。自是恕不可以恕，仁至仁之功夫。

又不可爲有，生熟大小之辨。

第五十八章

問道者仁義而已矣。曾子何以謂夫子之道忠恕而已矣乎？曰：仁義固道之全體，自不待論。夫子之道云者，謂夫子之所獨是猶曰：夫子之家法也。子貢問有一言而可以終身行之者乎？而夫子不曰仁，不曰義，而特曰其恕乎？與曾子之所謂自同。其意蓋示學者以其所易能之道也。卽向所謂爲所強而能之恕，則自得不可勉而爲之仁之謂也。忠者盡己之謂，其義易解。唯恕字義不分曉，字書曰：以己

體人曰：恕體字甚好。深體察人之心，則自有寬宥之意。生不至過，爲刻薄，故恕又有寬宥之義。凡接人之間，深體察之，而有寬宥之意，則親疎遠近貴賤，大小各得其所。而仁行，義達道，莫不存矣。曾子以忠恕爲夫子之道，是也。若良吏之斲獄，其罪固當，然依然深體察其心，則猶有多少可憐，可宥之情。況人之於過，其罪固有可恕者乎？故古人有二赦三宥之法。暗合強恕之道，或至可恕，可尤之事亦然。恕之不可不強如此。

第五十九章

燃點之不滅不滅明火

卷五十五水章

則人之去謀合謀而以猶復進戶恐有失之

取人之公私其無固私道恐未平始有人言

當與人共謀而知之四者有之而後可以取

大德夫子之謂也臣聞之過知其過知其

自矜其才而亡其情致故曰不知其

自矜其才而亡其情致故曰不知其

之善惡不至其處而厭執事其善者不致其

體人自知其善者不致其

昭和	部	文學
年月	書名	15
日	卷	(一)

彦根中學圖書部藏

